



TOSHKENT DAVLAT YURIDIK UNIVERSITETI REKTORINING B U Y R U G ' I

13.12.2023

762-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, 2023-yil 16-noyabr kuni Jinoyat-protsessual huquqi kafedrası professori D.Suyunova fakultet dekanatiga bildirgi bilan murojaat qilib, o'z bildirgisida 16-noyabr kuni kafedra o'qituvchisi B.Xudaybergenovning o'rniga

4-kurs talabalarining dars mashg'ulotiga kirganligini, ushbu kurs talabasi Raxmanova Zulfizar Erkinovna esa dars mashg'ulotlariga kechikib kelganligi sababli darsga kiritilmaganligini, biroq Z.Raxmanova dars mashg'ulotini bo'lib "Sizni haqqingiz yo'q bizlarga dars berishingizga" deb qo'pol gapirib, ma'ruza mashg'ulotlarini o'tishga xalaqit berganligini, professor D.Suyunov Z.Raxmanovaga dars mashg'ulotiga xalaqit berayotganligini aytib eshikni yopmoqchi bo'lganida talaba Z.Raxmanova eshikni yopishga yo'l qo'ymaganligini bayon etib, talabaga nisbatan intizomiy jazo chorasi qo'llashni so'ragan.

Shuningdek, 2023-yil 16-noyabr kuni Fuqarolik protsessual huquqi fanidan professor Z.Esanovanning ma'ruza dars mashg'uloti vaqtida 3-kurs talabasi Ne'matjonov She'rozbek Abdulvosi o'g'li o'qituvchi Z.Esanova bilan o'zaro tortishib dars mashg'ulotlarining olib borilishiga xalaqit bergan. Mazkur holatda Jinoiy odil sudlov fakulteti dekanining Yoshlar masalalari va ma'naviy-ma'rifiy ishlar bo'yicha dekan o'rinbosari M.Nodirov Z.Esanovanning chaqiruviga asosan auditoriyaga kirganida ham Sh.Ne'matjonov baland ovozda gapirib darsga xalaqit berganida dekan o'rinbosari M.Nodirov talaba Sh.Ne'matjonovni auditoriyadan tashqariga olib chiqib ketadi.

Bundan tashqari, 2023-yil 17-noyabr kuni 3-kurs talabasi Ergashev Shoxjahon Saydalim o'g'li Fuqarolik-protsessual huquqi fanidan ma'ruza dars mashg'ulotlarida ishtirok etib, dars davomida kompyuter vositasida "Counter Strike" o'yinini o'ynaganligi va mazkur holatni telefon apparati yordamida videotasvirga olib, o'zining shaxsiy "Instagram" ijtimoiy tarmog'iga

joylashtirganligi aniqlangan.

Shuningdek, 2023-yil 27-noyabr kuni 3-kurs talabasi Raxmanov Shodlik Shuxrat o'g'li universitet hududida tamaki mahsuloti iste'mol qilganligi aniqlangan.

Talabalar Raxmanova Zulfizar Erkinovna va Ne'matjonov She'rozbek Abdulvosi o'g'li o'zlarining xatti-harakatlari bilan TDYU Odob-axloq kodeksi 17-moddasi 1-qismi 10-xatboshisi (o'quv mashg'ulotlariga, xodim va talabalarning osoyishtaligiga xalaqit beradigan xatti-harakatlar sodir etish) va 27-moddasi 1-qismi 5-xatboshisi (universitet xodimlari va o'qituvchilariga qo'pollik qilmaslikka, ular bilan tortishmaslikka majbur)da ko'rsatilgan qoidalarni, talaba Ergashev Shoxjahon Saydalim o'g'li o'zining xatti-harakatlari bilan TDYU Odob-axloq kodeksi 15-moddasi 2-xatboshisi (o'z harakatlari bilan Universitet imijini saqlash va oshirish, Universitet manfaatlariga asossiz ravishda ziyon yetkazadigan harakatlarni amalga oshirmaslik, ijtimoiy tarmoq va messenjerlardagi chiqish va yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish), 17-moddasi 1-qismi 13-xatboshisi (Universitet nufuziga putur yetkazadigan materiallarni Internet, ijtimoiy tarmoqlar va messenjerlarda joylashtirish yoki ulardan turli nomuvofiq maqsadlarda foydalanish) va 21-moddasi 1-qismi (dars mashg'ulotlari vaqtida uyali aloqa vositalaridan foydalanish barcha uchun qat'iyan ta'qiqlanadi) da ko'rsatilgan qoidalarni, talaba Raxmanov Shodlik Shuxrat o'g'li o'zining xatti-harakatlari bilan TDYU Odob-axloq kodeksi 17-moddasining 1-qismi 2-xatboshisi (tamaki mahsulotlarini iste'mol qilish), 8-xatboshisi (universitet binolari va hovlisida, shuningdek, universitet binolariga tutashgan hududda tamaki yoxud boshqa turdagi mahsulotlarni chekish)da ko'rsatilgan qoidalarni buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidolari 83-bandiga asosan hamda Jinoiy odil sudlov fakulteti dekani D.Kamalovning bildirgisiga muvofiq,

B U Y U R A M A N:

1. Jinoiy odil sudlov fakulteti 4-kurs talabasi Raxmanova Zulfizar Erkinovna va 3-kurs talabasi Ne'matjonov She'rozbek Abdulvosi o'g'li universitet Odob-axloq kodeksi 17-moddasi 1-qismi 10-xatboshisi va 27-moddasi 1-qismi 5-xatboshisi talablarini buzganligi uchun, 3-kurs talabasi Ergashev Shoxjahon Saydalim o'g'li universitet Odob-axloq kodeksi 15-moddasi 2-xatboshisi, 17-moddasi 1-qismi 13-xatboshisi va 21-moddasi 1-qismi talablarini buzganligi uchun, 3-kurs talabasi Raxmanov Shodlik Shuxrat o'g'li universitet Odob-axloq kodeksi 17-moddasining 1-qismi 2 va 8-xatboshisi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova,

O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

